

Nwa' wvu Jut Fiεε fi nu ê Nwa' Jut wvun e

Jut to saŋ ηwa' wvun keetefe bonyii le bó eyenè εkumε bonyii bò to duu le bó nu bonyii bo mbee le mum læle bonyii bò n'yεεyi wvu mbiay. Ke ηwa' Jut wvun defe ke. Wvú nu ε saŋ mwεεm mvumew ε mvú nu læŋlæŋ ke diεwε mvù nu ê ηwa' Bita wvu bokaŋ bofεε le. Wvú saŋ keetefe bonyii bò wvú saŋ fô bó le le bó ediuù keetomte mbee wvù bó to nyaε ê bonyii bò è nu bo Nyo' le, le mbee wvun nu fiεε ε bó to nya wase lo kaŋ mwaan ε wvumvu yaa bæε ke.

Bikuu bi mwεεm e ê ηwa' wvun e

1-2 Keŋkεwce

3-16 Keŋge, bò n'yεεyi, noo ηgew bonyii bo n'yεεyi le bo mbiay e

17-23 Ntefe wvù le bonyii eleemè yî mbee wvubole

24-25 Bunle mbense

¹ Ε nu me wvù Jut wee lemme Jisos Klistu, ε me nu waa bwee Jεm. Me nsaanke ηwa' wvun fô bonyii bò Nyo' Icee wesebeene nu ε tee, ε bó cee yî keŋkoŋεn kew e, ε wvú ε gεε bó can Jisos Klistu le.

² Nyo' ebvuu ecam shen fô ben e naa ntay, ebvuu ege é mvuntelem mvunen elεεtene, é keŋkoŋεn kew fô ben e ebvuu eduu egeŋ fwe.

Bonyii bo n'yεεyi le bo mbiay e

³ Nsáa yem shém, me nse ηkpawwci naa baay le me nu ensañ fô ben e εkumε mboyma wvù beene bocii nu ε κηηκε wase, ε νε ε n'yen le fí nu shiee le baay keensañ enλεκε ben le ben ediuù keetomte mbee wvù bó to nyaε ê beene bò è nu bonyii bo Nyo' le. Ε nu fiεε ε bó to nya wa lo ê beene kan mwaan ε fimew yaa bεε κε.

⁴ Me njemyi nen njefo bonyii bomew nu ε wεentεn wase ε ley ê ben ente, ε è nu bò bó to jemyεε wase εkumε bó ε è bεε lo le Nyo' nu ε γεε wase ηγεω wvubo. Boban nu bonyii bò maa lo Nyo', bò joo mbuwma Nyo' tfuuse ε è tuu fiεε fi bó ebεεle εkuse jodvu gee nnyen, bvuu maa lo Cee Ekole wesebeene wvù Tata Jisos Klistu wvù è mεy κε wvú.

⁵ Keseen me ηgomte keembvuu enkume ben εkumε mwεem mvumew ε ben kee κε naa wase mvú ntay. Tata to nu ε bvuse bonyii bo Islael won wvù Ijiw e, ε bó boy yí ηγεω e, geenεn ε wvú ke kase κε lese bonyii bò to baa lese fitele yí ye le κε.

⁶ Ε è nu κε no bonceendaa bew bò to baa leeme fô wvú to γεκεε bó, cinε bvudvuu bvubole bvu len bvu nce le, nu ε wvú ε lese boba yí boncaw bò mεy lo le, fô bvudvuu bvù jiime nen taytaytay e, fò bó nu enu egen ebuy diuu di baay di è nu di nsaw e.

⁷ Ε è bvuu nu κε lenlen no wvú to tonεε kelaante kè Sodom hô kè Gomola hô ηGuy wvù mεy lo, noo bilaante bì to nu mbew bí le, bì to cee ten nce nnyen kenjañ, ε bokεεε hô bolemse joo ten ye yibo gee dvú

1:3 1Tim 1:18 **1:4** 2Bi 2:1-22 **1:4** Gal 5:13; 2Bi 2:1 **1:5** Ksm 12:51; Kη 14:29-30; 1Kol 10:5; 2Bi 1:12-13 **1:6** 1Bi 3:19-20; 2Bi 2:4 **1:7** Keñ 19:1-24; 2Bi 2:6

ε ε yaa nu ê je yì Nyo' to bomεε le wee egee le κε. Fιεε fin nu kenfewsεn ke fιεε fi nu ke ekooy bô bonyii bô cee kfuu wvuuvun nce le.

⁸ Naa no fí nu nonεn, bonyii ban ε jo κε ε ε nu gee didvu. Bó beete bô ye yibo, tune wee wvù saake bó, nan'yi biyoy bì κεηκε mvuηgay fele bó. Bó gee nonεn duu le ε nu njefo bó yene mwεεm e ê bifile le.

⁹ Seke Maykεl wvù nu εkolε ke bonceendaa bo Nyo' le to waale εwe jo gvune di Muses e, ε bô dεwle taanke gvune didvu, wvú to baa cim bvuse diεw yì befε ejeme ê dεwle κε, ε wvú tfuse κε ê wvú le, “ε nu esaw Tata wo.”

¹⁰ Bonyii ban ε no nan'yi lo mwεεm mvunciim mvù bó baa kee no mvú nu κε. Bó gee mwεεm ε ε nu mvù ελεμε kebole gomte diεwε nyám yi ηkpwaante le. ε nu mwεεm mvudvu mvun mvù beete bô bó.

¹¹ Ngεw wvu baay nu fô bó le. Bó nu ε jo gee ε ε nu di Kεεn e. Bó nu ε nε wase ε no gee mwεεm mvù befε nje bigew diεwε Balaam e. Bó tεmyi bikuu κε λεηλεη diεwε no Koola to tεmyi. Bó nu ke ekpwekεn κε no Koola to kpweε.

¹² Boban bonyii nu lo yile ê ben εnteleη seke ben diee ηkaw κεηκοηεn κεεn. * Bó ké no gee diεwε bwé le kefew ke mwεεm mvudien mvun e, ε wee taale κε ε ε nu εkolε kew yaa wuumene κε. Bó nu diεwε kembεw fò kí ε suu σε kí enya jan e, fwefwe ε kase ε tawse kí. Bó nu ten diεwε bite bì ké ce γεν buy naa seke mondvuum kaa ε bí baa

1:8 2Bi 2:10 **1:9** Dito 34:6; Saka 3:2; 2Bi 2:11; Mwm 12:7 **1:10**
 2Bi 2:12 **1:11** Keη 4:3-8; 1Jon 3:12; Kηη 22:7, 17; 1Bi 2:15; Kηη
 16:1-34 **1:12** 2Bi 2:13, 17 * **1:12** Bó to ké jo ten ntaashe seke
 ηkaw wvun.

eyum mvuntam ke le. Bó nu diewe bite bì bó nu e mvuwy le. Bó nu e kpwe wase e bvuu e kpwe.

13 Bó nu diewe joo yi baay yi nffum fete bensee we le, e gee dibole di kenshoose le nu diewe diffuw di nffum fete bensee we yi joo le. Bó nu diewe jón yi waysene lo ncwncw e. Nyo' nu e seyse wase bvudvuu bvu ηgew e e bvú jiime nen taytaytay sekeci, e gee ê bó.

14 Enok wvù ηgokε kew to nu ke bisooshwi y e kew yi Adam e, to nu e yuu jeme diewe wee ntum Nyo' le ekume bonyii ban gayte le, “Ben etaa eyen, Tata nu ke eto bô ηgoo bonceendaa bew bô yuule e bó nu bontfuke le,

15 keesaw wee tfuu. Wvú nu ke eto eduηce gee di befe dicii di bonyii bocii bô yaa kee ke Nyo' se gee no bó maa lo wvú noo mwεem mvunciim mvù befe mvù bó se ké no jemyi ekume Nyo'.”

16 Boban bonyii nu bô ké no diomene ke lo sekeci, gomte diuw, bii ke e è nu fiε fi ye yibo yi ηeyte shieele le, seηe ye yi ecici, lele bonyii bô díew yi yeke kekeηke mwεem mvù bó shieele.

Ntefe ekume mwεem mvù nu ke ekooy

17 Geen en nsáa yem shém, ben ekume mwεem mvù boom bo ntum e bo Tata wesebene wvù Jisos Klistu to jemye ê ben le mvú nu ke ekooy.

18 Bó to nu e jeme ê ben le, “E nu ke edioo enu ediuw yo fokemese le, é bonyii ebuynen esewsee ben. Bó nu ke enu bonyii bô maa lo Nyo', gee e è nu mwεem mvù ye yibo yi ηeyte shieele.”

1:13 YeSa 57:20; 2Bi 2:17 1:14 Mat 25:31; Keη 5:18, 21-24; Ibu 11:5 1:17 2Bi 3:2 1:18 2Bi 3:3; 2Tim 3:1; 3:2-6

19 Boban bonyii nu bò too bô kenḡawsen ê bonyii entelen, bii ε è nu mwεem mvu yî nshε le, yaa kenḡe Keyoy ke Nyo' le yî bó le κε.

20 Geenεn nsáa yεm shém, ben eyoo bikuu binεn eleemè κε ε è nu yî mbee wene wvù nu naa wvù yuule le, ebunleè sekecii ê mvunḡay mvu Keyoy ke Yuule le.

21 Ben emεy κε enù yî kenḡonεn kè ke Nyo' le, ecεyτè Tata wesebeene wvù Jisos Klistu wvù nu ke ecam shen, ege é ben eley nshii wvù mεy lo le.

22 Ben ecamτè shen fô bonyii bò bεε yî kemaḡεn e. †

23 Ben ecutè bonyii bò nu ḡguy e bvuusè, boy-seè bó. Ben ecamτè shen fô bomew bonyii le, geenεn dioo camte no yεne. Ben ebanè naa noo ndvù yibo yì bó nu ε yiise wase bô nce wvù befe.

Bunle Mbense

24 Mbense enù fô Nyo' le! Ε nu wvù wvù nulo ecεyτe ben fo ben ke eḡbwe. Wvù nu ke eḡεn bô ben fwe dvu bvukukε bwew ε ben nu se nlom nu bô nlanḡan.

25 Beene enyaà mbense ê Nyo' wvù Mboyse wesebeene wvù è mεy κε wvù, fele yî Jisos Klistu wvù Tata wesebeene le. Bvukukε bô mvunḡay noo sa' ekεḡkè κε wvù wvù Nyo' ε κew no wonḡ to κewεε bô keseen noo sekecii se ḡka. Fí enù nonεn.

1:20 Kolo 2:7 1:22 1Tεs 5:11 † 1:22 Bonḡwa' bo boyvuum bomew kenḡe kencim kin le, “Ben emomτè keegee ε bonyii bò bεε yî kemaḡεn e kumene.” 1:23 Saka 3:2 1:24 Fili 1:10; 1Tεs 5:23
1:25 Lum 16:27

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e